

資治通鑑綱目卷之五十四

明 史官陳仁錫評閱

起丁卯 考異 提要起丁卯下有唐哀帝天祐
盡巳卯 四年盡巳卯下有晉李存勗稱

唐天祐十六年 凡十三年
梁貞明五年

丁卯 四年 四月以後 梁太祖皇帝朱晃開平元年
西川 稱唐天復七年 ○是歲唐亡梁晉

岐淮南 西川凡五國吳越湖
南荆南福建嶺南凡五鎮
春正月淮南牙將

張顥徐溫作亂

鬻拳之弊
復有踵而
爲之者

楊渥既得江西、驕侈益甚、以故怨殺判官周
隱、將佐皆不自安、渥居喪酣飲作樂、燃十圍
之燭以擊毬、或單騎出遊、從者不知所之、左
右牙指揮使張顥、徐溫泣諫、渥怒、顥溫潛謀
作亂、一日帥牙兵二百露刃直入庭中、渥曰
爾果欲殺我邪、對曰、非敢然也、欲誅王左右
亂政者爾、因數渥所親信十餘人之罪、曳下
擊殺之、謂之兵諫、諸將不與之同者、稍以法
誅之、于是軍政悉歸二人、渥不能制、**質實**
淮南軍名注見漢武
帝元朔五年、楊渥廬
州人行密之子、**江西**道名注見梁孝
元帝承聖二年、徐溫海州朐山人

書法

書曰作亂而後亂臣
不得以趙鞅藉口矣

發明

楊渥驕侈不道張顥徐溫泣諫不從遂至帥兵誅其嬖倖然而綱目但以作亂書之者臣子事君有隕無貳亦所以爲脇君者之戒也

三月唐遣使奉冊寶如梁

考證

唐當作帝

梁王全忠自滄州還威望大沮恐中外離心欲速受禪過魏有疾羅紹威恐全忠襲之說曰今唐室衰微天命已改而四方稱兵者皆以興復爲名王宜早正位號以絕人望全忠然之乃歸大梁帝遣御史大夫薛貽矩至勞之貽矩請以臣禮見北面拜舞于庭還言于帝曰元帥有受禪之意矣帝乃下詔禪位于梁遣宰相張文蔚楊涉及薛貽矩蘇循張策

趙光逢等奉玉冊傳國寶帥百官備法駕詣大梁楊涉子直史館凝式言于涉曰大人爲唐宰相而國家至此不可謂之無過况手持天子璽綬與人雖保富貴奈千載何蓋辭之涉大駭曰汝滅吾族神色爲之不寧者數日

質實

滄州注見晉穆帝永和六年魏

州名注見漢成帝綏和二年魏郡大梁郡名注見周顯王二十九年法駕注見漢高后八

年

書法

天寶之末遣使奉冊寶如靈武書上皇此其不書唐帝何罪唐臣也自溫

謀篡唐之臣子未有能沮之者今也自洛如梁不爲近矣非有王舜之逼而不遠授

人無難色書曰如梁所以深
罪舉朝之臣子也故止書唐

發明

自曹馬以來移國者多矣未有書遣
使奉冊如唐之詳且悉者何也張文
蔚楊涉薛貽矩之徒爲唐大臣手持璽綬
勸進逆賊曾不知耻書法如此所以著唐
臣之罪爾然則唐帝亦有責乎當是之時
大權已去何責之有故止書曰唐而不曰
唐帝則文蔚等賣國之
罪不容于天地之間矣

夏四月盧龍節度使劉仁恭爲其子守光所囚

仁恭驕侈貪暴以大安山四面懸絕築館其
上極壯麗實以美女與方士煉藥其中悉歛

言日曾言
寸不可以
坂父今竟
躬蹈之

通鑑綱目 卷五十四
境內錢瘞山顛令民間用堇泥爲錢有愛妾
羅氏其子守光通焉仁恭杖守光而斥之至
是梁遣李思安擊之直抵城下仁恭在大安
城幾不守守光自外引兵入登城拒守却之
遂自稱節度使令部將李小喜攻大安虜
仁恭以歸囚于別室守光弟守奇奔河東
實廬龍節度注見漢武帝元朔二年肥如一
統志云大安山在順天府房山縣北八十
二里上有大安館相傳五代時劉仁恭所建
遺址尚存方士注見憲宗元和六年河東郡
名注見漢獻
帝建安七年

書法

爲所囚何罪仁恭也未有父不失道
而爲子所囚者也綱目澄源正本故

書罪之然則守光無罪歟子而囚父罪固不待貶絕而自見矣故守文舉兵書討

發明

書仁恭爲子所囚而不書守光囚其父者仁恭貪暴不臣之罪不可勝誅

守光因其危而乘之初非其子能囚之也仁恭自囚爾若守光悖逆之惡亦固在其

中矣

梁王全忠更名晃稱皇帝奉唐帝爲濟陰王

考

異

按凡例註封其故君則曰廢而不曰奉此奉字當作廢

考證

全忠當作朱全忠

張文蔚等至大梁梁王更名晃文蔚等乘輅奉冊寶至金祥殿王披袞晃卽皇帝位文蔚

唐臣

楊涉見規
千子朱吳
莫通子兄
都是良心
打不過處
然晃可誅
涉尤不勝
誅也薛貽
矩始則以
臣禮見今
則盛稱功
德俱無人
心之尤者

等升殿讀冊寶已、降帥百官舞蹈稱賀、梁三
與之宴、舉酒勞之曰、此皆諸公推戴之力也
文蔚等皆慙伏不能對、獨蘇循薛貽矩盛稱
功德、宜應天順人、梁王復與宗戚飲博宮中
其兄全昱謂曰、朱三汝本碭山一民也、從黃
巢爲盜、天子用汝爲四鎮節度使、富貴極矣
奈何一旦滅唐家三百年社稷、他日得無滅
吾族乎、梁主不懌而罷、奉唐帝爲濟陰王、遷
于曹州、梲之以**集覽**、**碭山**注見秦二世元年
棘使甲士守之、**芒碭山**中、梲之以棘、廣
韻注梲圍也、左傳哀八年囚諸樓臺梲
之以棘、注梲死也、梲在薦反、雍于勇反、**質實**
彖晃注見漢平帝元始五年、**社稷**注見新莽
天鳳元年、**濟陰**郡名、注見漢光武建武八年

〔曹州〕注見
上年濟陰

書法

綱目自魏晉以下書稱皇帝廢帝爲某公爲某王恒辭也此其不書廢何罪唐臣也唐則奉冊寶如梁矣唐自廢其主也梁何與焉畧全忠所以深罪唐臣也然則予梁乎書稱皇帝如魏晉則固以墓目之矣終綱目廢主書奉二唯徐知誥無譏焉

發明

賊溫無道大非前代之比然書法甚恕畧不見其篡奪之跡此皆專罪唐人挈國與賊之意然則張文蔚等可勝誅哉

汴為開封府

梁以汴州為東都開封府洛陽為西都長安為

大安府佑國軍

質實

汴州注見周顯王二十九年大梁洛陽縣名注同上

三年長安縣名注見漢惠帝五年佑國軍注見玄宗開元十一年京兆

○梁以馬

殷為楚王○梁以敬翔知崇政院事

敬翔與梁是唐家蟲賊梁興止一敬翔則亦無遠猷矣

梁以宣武掌書記太府卿敬翔知崇政院事以備顧問參謀議于禁中承上旨宣于宰相而行之宰相非時奏請皆因以聞後廢樞密院以其職事歸之翔為人沉深有智畧在幕府三十餘年盡心勤勞晝夜不寐自言惟馬上乃得休息梁主性暴戾難近人莫能測惟

翔能識其意有所不可未嘗顯言但微示持疑梁主已悟禪代之際翔謀居多

質實

宣武軍名注見周顯王二十九年大梁禁中注見宋孝武帝大明六年幕府注見秦王政

三年

梁以朱友文判建昌院事

初梁主為四鎮節度使凡倉庫之籍置建昌院以領之至是以養子友文判院事掌凡國

之金穀友文本康氏子也

淮南西川移檄興復唐室

倡義而莫
爲之應唐
之功德存
入淺矣

亦忠

時惟河東鳳翔淮南稱天祐西川稱天復年
號餘皆稟梁正朔蜀王建與楊渥移檄諸道

云欲與岐王晉王會兵興復唐室卒無應者
建乃謀稱帝遺晉王書云請各帝一友晉王

復書不許曰誓于此生靡敢失節
質實鳳翔府名注見周顯王八年岐移檄檄注

見楚義帝元年西川道名注見晉武帝泰始
八年益州正朔注見漢獻帝建安十五年

書法興復不多書唯劉縝嘗書之于是再
見然則予二國乎朱氏篡唐天下皆

梁臣矣而淮南西川猶仍唐曆首倡興復
固不得不一予之予二國所以罪天下也
及其倡而不和二國亦復弛然西川反欲
自帝而淮南則區區以爭彈丸之地其無

意唐室明矣
於是終貶之

發明

唐有天下垂三百年是時征鎮散在
四方者莫不俛首事賊獨淮南西川
猶能以興復爲詞故綱目亦書而予之且
以著人心正理未盡泯滅之意云爾夫豈
果以興復之
事望之哉

岐王李茂貞開府

茂貞治軍寬簡無紀律兵羸地蹙不敢稱帝
但開岐王府置百官宮殿號令皆擬帝者

質實

岐國名注見
周顯王八年

契丹遣使如梁

初契丹有八部，部各有大人，推一人爲王，建旗鼓以號令諸部。三年一代，以次爲之。及耶律阿保機爲王，尤雄勇，奚及室韋達靼咸役屬之。阿保機恃其彊，不肯受代。七部劫之，阿保機不得已，傳旗鼓，請帥種落居古漢城，別自爲一部。漢城地宜五穀，有鹽池之利。後稍以兵擊滅七部，北侵室韋，女真西取突厥故地，東北諸夷皆畏服之。是歲，帥衆三十萬寇雲州。晉王與之連和，約爲兄弟，延之帳中，縱酒盡歡，約共擊梁。或勸晉王擒之，王曰：「讐敵未滅而失信，夷狄自亾之道也。」留之旬日，厚贈遺之。阿保機旣歸而背盟，更附于梁。晉主

由是恨之

集覽

耶律阿保機契丹主姓耶律名阿保機五代史四夷附錄曰阿保機

本以所居橫帳地名爲姓曰世里譯者謂之耶律也耶餘遮反古漢城通鑑釋文曰故後

魏滑鹽

質實

契丹東胡種名注見晉安帝義熙二年奚東胡種名注見陳宣

縣也

帝太建十三年韋室契丹別種注見隋恭帝

義寧二年達靺北狄種名注見梁武帝大同

十一年突厥女真東胡種名注見晉成帝咸

康六年挹婁突厥北狄種名注見梁武帝大

同十一年雲州注見

秦王政三年雲中

梁以錢鏐爲吳越王

羅隱尚有
王氣

鎮海節度判官羅隱說鏐舉兵討梁曰縱無
成功猶可退保杭越自爲東帝奈何交臂事
賊爲終古之差乎鏐始以隱爲不遇于唐
必有怨心及聞其言雖不能用心甚義之

質

實

鎮海節度注見憲宗元和二年杭州羅隱
杭州新城人杭越二州名杭注見憲宗元

和二年越注見漢和
帝永元元年會稽

梁以高季昌爲荊南節度使

依政進士梁震唐末登第歸蜀過江陵高季
昌愛其才識留之欲奏爲判官震耻之欲去
恐及禍乃曰震素不慕榮宦明公不以爲愚
必欲使參謀議但以白衣侍樽俎可也季昌